

# ADVERTIS-

SEMENT A V X C A-  
tholiques , sur la Bulle de nostre  
Saint Pere, touchant l'excommu-  
nication de Henry de Valois.

Avec plusieurs exemples des punitions  
estranges & merueilleux iugements  
de Dieu, sur les excommuniez.

*Non ero ultra vobiscum, donec conteratis eum qui hu-  
ius sceleris reus est. Iosué. 7.*

Je ne seray plus avec vous, iusques à ce que  
vous exterminiez celuy qui est coulpable  
de ce peché d'anatheme.

A T R O Y E S.

Par Iean Moreau M. Imprimeur.

M. D. LXXXIX.

---

A V E C P E R M I S S I O N.

*Selong 18596*

Care

F

39

.326

1589adv

THE NEWBERRY  
LIBRARY



## AV LECTEUR.

**A** My lecteur, j'ay estimé qu'il seroit fort à propos de reciter icy au lieu d'autre preface, vne belle Epistre de ce grand & ancien personnage S. Basile, qui conuient merueilleusement à nostre Henry de Valois. Car elle contient vne griëfue excommunication contre vn mauuais garnement, nommé Philagrius Gouverneur de Lybie: duquel aussi les histoires Ecclesiastiques & quelques Peres anciens font mention. Et afin de contenter vn chacun, j'ay pensé qu'il estoit expedient de la reciter mot à mot, en latin, & par apres de la traduire en François.

*Incidi in sanctitatis tue literas, in quibus aduersus Lybie præfectum virum infamem ingemisti. deploramus quideus patriam nostram, quod talium malorum & mater est ac nutrix: deploramus verò & Lybiam nostram vicinam, quod malorum nostrorum particeps facta ferinisque viri huius moribus tradita est, qui à pueris crudelitati pariter & lasciuie assuenit. Hoc scilicet erat quod sapienter dixit Ecclesiastes, Vae tibi ciuitas, cuius rex iunior est, & cuius principes non comedunt noctu, sed in ipsa meridie lasciuunt, post alienos thoros pliusquam irrationales bestie insanientes. Itaque illum quidem flagella manent apud iustum iudicem ad eandem mensuram commensurata, iuxta quam ipse iam antea sanctos ipsius as-*

Epistola  
47. d. Bas  
lij magni  
ad magnu  
Athanasiu

Eccl 10.

*fligere præsumpsit . Innotuit autem & Ecclesiæ nostræ ex  
 literis pietatis tuæ : atque auersandum & execrabilem il-  
 lum arbitrabuntur omnes , ita vt nec ignis nec aquæ , nec  
 recti cōmunionem cum illo sint habituri ; siquidem prodest  
 vt violenti isti tyranni communi & vnanimi iudicio  
 condemnentur . Sufficiet autem ipsi damnationis titulus , &  
 ipse sententia quibus vndique condemnabitur . Neque enim  
 omitemus quo minus condemnationem istam omnibus  
 ipsius & familiaribus amicis atque aduenis ostendamus ,  
 Quod si verò non statim illum ista reprehensiones , quem-  
 admodum & Pharaonem permouebunt , attamen po-  
 stemam aliquando , & grauem illi ac tristem retri-  
 butionem afferet .*

Traductio  
 de l'Epi-  
 stre 47. de  
 S. Basille  
 au grand  
 Athanasie.

Les lettres de vostre sainteté me sont tōbees  
 entre les mains , esquelles vous vous plaignez  
 fort du gouuerneur de Lybie , homme tresme-  
 chāt & infame . Ie deplore nostre pays , qui a p-  
 duict & nourry de tels & si grands malheurs , &  
 ensemble ie plains la Lybie , qui nous auoisine ,  
 pour auoir eu part à nos miseres , & auoir esté  
 donnée à vn homme si sauuage & bestial , qui a  
 esté esleué dès sa ieunesse en route cruauté &  
 lubricité . C'est ce que l'Ecclesiaste a tressage-  
 mét dit , Malheur à toy Cité qui as vn Roy ie-  
 ne , & des princes , qui ne mangent pas à heure  
 deuë , mais en plain midy , pires que bestes irrai-  
 sonnables , se laissent trāsporter à toute paillar-  
 dise , si auāt que de souiller les couches d'autrui  
 Parquoy il se peut bien attendre d'encourir les  
 fieux , & supplices du iuste iuge , non moindres  
 que ceux qu'il à bien osé faire endurer aux bōs  
 seruiteurs de Dieu . Quant à nostre Eglise , &

Eccl. 10.



Diocese, nous en sommes tous assez informez  
par le contenu de voz lettres. Et de faict chacú  
le tiendra pour vn homme abominable & exe-  
crable, sans auoir communication avec luy en  
chose que ce soit. Car aussi est-il expedient que  
tels tyrans cruels & barbares soiét condamnez  
d'un commun aduis & consentement. Or il luy  
suffira bien d'estre ainsi condamné, & du com-  
mun consentement de tous ceux, qui verrót les  
lettres de sa condamnation publiees par tout.  
Car nous ne ferons faute de les monstrer à tous  
ses plus familiers & amis, & aussi à tous venans.  
Que si ces aduertissemens & chastimens ne luy  
touchent incontinent au cœur, iceluy s'endur-  
cissant comme vn Pharaó, si receura-il toutes-  
fois à la parfin, en vertu de ceste sentence, vne  
griefue & aspre punition de ses forfaits.

A iij



ADVERTISSEMENT AVX  
CATHOLIQUES SUR LA BUL-  
le de nostre saint Pere, touchant l'excom-  
munication de Henry de Valois.

*Avec plusieurs exemples des punitions estranges & mer-  
veilleux iugemens de Dieu sur les excommuniés.*



'Est le propre du phre-  
netique de se mesco-  
gnoistre en son plus  
chaud & grief mal : de-  
quoy il n'est pas possi-  
ble de veoir vn plus eui-  
dent exemple qu'à pre-  
sent, ou le malade qu'on  
seigne ne sent rien ,  
& ceux qui luy assistent au lieu de le penser luy  
font croire qu'il se porte bien , estant neant-  
moins la maladie si contagieuse , qu'elle ne le  
peut estre plus. Chascun a veu ou entendu la  
Bulle & sentence prononcee ces mois passez à  
Rome par nostre S. Pere , & promulguee ces  
derniers iours canoniquement en nostre Franco  
contre les crimes & excès de Henry de Valois,

& ses adherans, lesquels se voyans par ce moyē descheus de leurs vaines esperances, & condamnez du souuerain iuge de l'Eglise Catholique, comme gens perdus & desesperez cherchent tous moyens de donner couleur à leur malice & tromper les autres, à leur plus grande condamnation. Ce qui m'a donné occasion de declarer briefuement leur tromperie à celle fin que ceux qui cheminent avec la simplicité colombine de nostre sainte mere l'Eglise, ne soient abusez & enuenez par telles langues serpentines, monstrant au doigt les marques & effects de ceste contagion tirez des Peres & sacrez Canons de l'Eglise, & confirmez par des exemples, que Henry de Valois, avec les siens est indubitablement excommunié, tant en vertu des saints Canons, qu'en vertu mesme de la susdicte Bulle & sentence.

Il faut au commencement pour certain & indubitable fondement supposer, que l'Eglise a le pouuoir d'excommunier & du tout retrancher les membres pourris de son corps mystique, de les bannir & forclorre de foy & du Paradis, leur soustrayant tout aide & support, de deffendre & desnier, voire mesme tout commerce humain avec telle sorte de gens. Le mot Grec anathema a la force de nous signifier cecy sçauoir que l'excommunié est execrable, voué & consacré aux diables & aux tourments<sup>a</sup> comme en ses contraires le mesme mot signifie les dons saints à Dieu, qui pour luy estre dediez & consacrez ne peuuent estre de tous indiffe-

Math. 28.

1. Cor. 5. &

6.

2. Theff. 3.

1. Tim. 1.

Tit. 3.

2. Io. 1.

a Chrys.

ho. 16. ep

ad Rom.

Beda. gal.

b Clem. 2.

const. c. 4.

ypocr. remmēt touchez. Vous en auez outre le tesmoi-  
2. Elugy- gnage de l'escriture, maintes figures & exéples  
ius l. 1. c. en icelle mesme, & qui plus est entre les Gen-  
9. ex aug. tils.  
1. gen. ad

litteram. Au vieil Testament qu'elle autre chose vou-  
loit signifier, estre deboutté du paradis terre-

c. Hieron. stre, comme nos premiers parens empeschez  
epistola 1. d'y entrer par l'espee flamboyante du Cheru-  
Aug. qq. in bin, <sup>b</sup> estre mis hors du camp, <sup>c</sup> lapide, decapi-  
deut. c. 39. té, estre condamné à viure en beste entre les  
in parenc. bestes comme le Roy Nabuchodonosor, <sup>d</sup> estre  
si ad pœn. occis publiquement comme le fornicateur par  
e Aug. de Phinees, <sup>e</sup> à estre fugitif comme Cain de ses  
fide & o. parens, de tout homme, estre chassé hors la  
perib<sup>o</sup> c. 4. <sup>f</sup>  
Ioan. 9. synagoge?

Achan le larron de la reigle d'or lapidé par  
l'exprès commandement de Dieu : Ozias le  
presomptueux, & Giezi le simoniacle, tous  
deux lepreux pour marque de leur meffait,  
nous donnent à entendre l'estat de l'excommu-  
nié, selon qu'il plaist à S. Clement \* le referant  
mesme comme de l'aduis des Apostres. Finale-  
ment la deffense tres-expresse faicte aux Iuifs  
de traicter & conuerser pesse mesle avec les  
Chananeens, & avec vn tas de telles gens, n'e-  
stoit qu'une figure de ce que nostre Sauueur  
Iesuschrist parlant de l'excomunié a dict, \* *Qui  
Ecclesiam non audierit, sit tibi sicut ethnicus & publica-  
nus*, Celuy qui n'obeyt à l'Eglise soit tenu pour  
vn homme profane & infame, avec lequel tu ne  
peux auoir accointance.

Aug. 2. Au nouveau testament le fouet \* avec lequel



nostre Seigneur chassa du temple ceux qui y <sup>contra</sup> traffiquoient, nous met la chose assez deuant les <sup>terras</sup> yeux, comme aussi ce pauvre debteur liuré es <sup>Pez</sup> tenebres exterieures, \* ceste miserable femme <sup>tilians c.</sup> courbee iusques à terre, laquelle comme dict <sup>10.</sup> Iesus Christ, Sathan auoit detenu & lié dix-huit <sup>\* Chryf.</sup> ans durant, le figuier maudit & deseché, \* le <sup>1. Timo.</sup> traistre Iudas possédé du diable; \* Simon Ma <sup>\* Aluarus</sup> gus à qui S. Pierre dit, ton argent soit avec toy <sup>Pelagi<sup>9</sup></sup> en perdition, \* Ananias & Saphyra estendu <sup>de plan-</sup> sur la place, à la seule parole de S. Pierre; \* le <sup>du Eccl.</sup> Corinthien; Alexandre & Hymeneus, & au- <sup>c. 72.</sup> tres semblables, <sup>\* Chryf.</sup>

Que diray- ie qu'entre les Gentils mesmes il <sup>\* Aluarus</sup> y a eu quelque trace & semblance de cecy? En <sup>ibid.</sup> toute Republique on a coustume de bannir les <sup>\* Vrbant<sup>9</sup></sup> meschants & de les declarer ignobles & rotu- <sup>1. ep. de c.</sup> riers. Les histoires nous font foy, que les Ara- <sup>muni vi-</sup> bes ne pardonnans pas mesmes à leur Roy, & oblati- <sup>ne fide-</sup> quand il fust tombé en quelque grief forfait, <sup>lium.</sup> luy commandoient de se retirer avec deffense <sup>Plinius. 1.</sup> d'habiter communément avec les hommes, afin <sup>6. c. 22.</sup> que destitué de tout moyen & subside, il mou- <sup>il</sup> rut de soymesme. Entre les Ethiopiens. c'estoit <sup>3</sup> aux prestres de denoncer & prononcer la sen- <sup>il</sup> tence de mort contre leur Roy, en cas de crime <sup>3</sup> qui le meritoit selon leurs loix. Nos Druides <sup>il</sup> n'auoient pas moindre autorité mesmes enuers <sup>b</sup> les Rois des Gaules, leur enjoignant qu'ad bon <sup>Cesar d'</sup> leur sembloient de se deporter des temples & <sup>bello g</sup> lieux ou affaires de iustice; & explicant C<sup>es</sup> <sup>3</sup> sur la nature & grandeur de ceste peine là, dit lico. <sup>c</sup>

ainfi. Si quis aut priuatus, aut populus eorum decretis non  
stetit, sacrificijs interdicunt, hæc pœna apud eos est grauissi-  
ma. Quibus ita interdictum est, ij numero impiorum ac  
sceleratorum habentur, ijs omnes decedunt, aditum eorum  
sermonemque defugiunt, ne quid ex contagione incommo-  
di accipiant, neque ijs petentibus tus reddatur, neque ho-  
nos ullus communicatur. S'il y a aucun petit ou grād  
qui ne vueille obeir à leur ordonnance, il luy  
defendent d'estre present à leurs sacrifices, la-  
quelle chose est repute'e entre eux vne tref-  
griefue peine : car ceux qui sont ainfi bannis  
& priuez des sacrifices sont tenus & mis au nō-  
bre des gens impies & meschants, & chacun les  
fuit & se garde de parler à eux, de peur que par  
la communication de telles gens il ne leur ad-  
uienne quelque desastre & malencōtre, & mes-  
me s'ils requièrent par voye de iustice quelque  
droict ils ne sont point ouïs, & ne leur portent  
honneur aucun. Et pour ne nous arrester aux  
exemples des profanes, puis que l'escriture és  
passages cy dessus cottez nous deffend de man-  
ger, de saluer, de communiquer aucunement  
auec l'excommunié non plus qu'auec vn  
payen vn pestiferé, vn ennemy mortel,  
& traistre à Dieu & à nostre bonne mere l'Egli-  
se, fils & esclaue du diable, citoyen de l'enfer,  
exclus de l'héritage du ciel, abandonné de tout  
subsidi Ecclesiastique & humain, comme ose  
l'on se iouer & gaudir d'un supplice si horrible,  
d'un remede si dur, d'une peine si aspre, d'une  
sentence si furieuse & seuer, comme font ceux  
qu'on nomme politiques, lesquels on deuroit

e.  
c.  
A  
d  
d  
in  
fi  
e  
fi  
pe  
l

\*2  
tir  
Ch.  
6.  
d1

M

Au

plustost appeller fauteurs des heretiques? Mais  
 voyons ie vous prie ce que les saincts Peres di-  
 sent de la nature & condition, & des effects de  
 l'excommunication. Sainct Clement \* disciple \* 2. Conf.  
 de S. Pierre dict ainsi, *Continuè Vt aliquis ex Ecclesia c. 21.*  
*eiectus est, accedunt ad eum truculenti lupi illius interitum*  
*quæstui habentes: etenim eorum pater diabolus homicida*  
*est.* \* Et en vn autre lieu. *Idem à vita immortalis* \* C. 47.  
*gloria reiectus est, & apud iustos & pios homines inho-*  
*noratus & inglorius & apud Deum damnatus.* \* Et \* C. 43.  
*aillieurs. Meritò est abscissus à cœtu Domini: atque Ec-*  
*clesia Dei magis nunc ornata fuerit, quam antea, cum erat*  
*in ea aliquod membrum superuacaneum & ab ea alienum.* \* Ep. ad  
*Quocirca iam deinceps extra maledicta & contemptum est* Episcopo  
*liberata fraudulentis, conuicatoribus, inhumanis, prodito-* Hispania  
*ribus, à virtute auersis, voluptuarijs, inanis gloriæ cupidis,* \* Ep. 25.  
*imposteribus, & ijs qui sapientes videri volunt, quorum* a Calix.  
*officium est dispergere, quin potius dissipare agnos Christ.* 1. Ep. 2. a  
 C'est à dire, que tout incontinent que l'excom- Ep. Gall.  
 munié tombe en la gueule des loups rauissants: fab. pp. e  
 & du diable, forclos de paradis, deprisé des bõs, 1. Conc.  
 condamné par l'Arrest de Dieu, & que d'autant 73. Can. 4.  
 en est plus nette & entiere l'Eglise, de laquelle Apo. An  
 on a retranché vn membre superflu & inutile, si tu. c. 2.  
 que elle n'est plus aussi subiecte à receuoir des b Calix il  
 iniures, pour respect de ceux qui sont retran conc. Te  
 chez par le trenchant de l'excommunication, & c. let. 1. c. 15.  
 Sainct Antherus Pape \* dict pareillement que Antif. c. 3  
 l'excommunié est rompu & brisé des dents du & 39.  
 diable. Le mesme escript Innocentius 1. \* c Calix. ii  
 S. Hierosme. \* d Fab. ib  
 let. ib. An  
 tificod. c. 3  
 e Antioc

Plusieurs autres Papes & Conciles comman-



2. Alex. pp. part. 31. 6. Calix. ib. onc. Nic. c. 5. Eli. cert. c. 53. relat. 2. 8. Sardic. 17. A. Antio. su. ra. carth. c. 7. can. Apost. arth. 4. ipra. To. E. I. c. 12. 15. Anti. od. c. 39. rac. I. c. 33. arif. I. c. 7. z far aug. 5. Turo. c. 8. Euge. tius Papa. 21. c. 1. 6. ne. Tri. 17. c. 2. Aduetus intes, c. 39. Ep. 47. i. Cor. 1. Relmo.

dent qu'on n'aye totalement rien à faire avec vn excommunié, sur peine d'excommunication ny en l'oraison, <sup>a</sup> ny au boire & manger, <sup>b</sup> ny aux baisers, <sup>c</sup> ny en deuils ou propos, <sup>d</sup> ny en visites en leurs maisons, ou ailleurs, <sup>e</sup> ny en emprunter argent, <sup>f</sup> ny à la communication ou conuersation commune, <sup>g</sup> ny à luy conceder la sepulture Ecclesiastique, <sup>h</sup>

Le docte pere Tertulian \* le plus ancien entre les nations, dict vne chose fort remarquable pour nostre propos. *Summum futuri iudicii præiudicium est si quis ita deliquerit vt à communicatione orationis & conuentus, & omnis sancti commercij relegatur.* C'est vn tresgrand preiugé de condamnation au iour du iugement, quand quelqu'un à cause d'une sienne iniquité enorme, est priué de la communication & participation des saintes oraisons de l'Eglise, & de la sainte conuersation, & du commerce des fideles. Autant en dict en vne sienne epistre, tresdigne d'estre leuë, Sainct Basille, \* adioustant aussi que l'excommunié incorrigible receura de la main de Dieu de gands & estranges supplices, comme vn Pharaon. Ce qu'emporte aussi le mot Syriaque, Maranatha, \* le Seigneur viendra, lequel Sainct Paul conioinct avec Anathema, voulant signifier que l'excommunié incorrigible est reserué au iugement & chastiment de Dieu. Je laisse S. Cyprien en plusieurs lieux de ses epistres. \*

Ep. 38. Je vous renuoye aussi aux commenraites sur les lieux de l'escripture cy dessus alleguez, là



ou vous trouuerez nommément sur la premiere aux Corinthiens, & à Timothee, que Sathan par permission & commandement de celuy qui peut excommunier, possedoit celuy qui luy estoit liuré par l'excommunication, & tourmentoit corporellement avec vne noppareille cruauté, de façon qu'il cheoit en griefues infirmités & diuerses sortes de calamitez. \* Et jaçoit q<sup>d</sup> Christe Theod. 1. Tim. Pacianus ep. 3. Apoc. linaris e ad Thol fanos c. tout homme qui est en peché mortel, soit serf & esclau de peché & du diable premier auteur du peché, si est-ce toutesfois qu'il n'est point du tout abandonné ny destitué de l'ayde de l'Eglise, comme est celuy là qui est excommunié & liuré au Diable, lequel prend alors toute puissance sur luy, l'Eglise le permettant par autorité pareille qu'elle a aussi de deliurer ceux qui en sont possédez. \* Que si à present S. Th. mas. 1. Cor. l'on ne voit souuent les excommuniés visiblement possédez & tourmentez du diable comme le temps passé: la cause est la mesme que celle la pourquoy les autres miracles ne sont en si grand nombre comme iadis, n'ayant plus tant S. A. 22. de C. c. 8 & Gre. ho. 29 Euang besoin l'Eglise de tels arrousemens, pour auoir desia pris profonde racine, & creu en arbre parfait. \*

Ce n'est donc merueille si l'excommunié estant denué de l'ayde de toute l'Eglise, du S. Esprit, qui la regit & entretient, des oraisons & merites de tous les fideles, de l'assistance plus particuliere & sauuegarde des Anges, soit aussi entierement abandonné & exposé en proye aux bestes farouches, ny plus ny moins qu'un petit

In Sy-  
modo cō-  
a Iouin.  
socio.  
de cor-  
ptione  
gratia  
25.

cōtra  
erfari-  
egis &  
l. c. 17.

oiseau sans plumes ietté hors du nid, comme di-  
sent les saints peres, qu'vne charoigne aux cor-  
beaux, qu'vne bourse en vne forest aux voleurs  
qu'un malfacteur ietté aux ours, aux lions, aux  
taureaux, qu'vne curee aux chiés affamés, qu'un  
damné à tous les diables. Dont Siricius Pape \*  
appelle l'excommunié vn damné, & l'excom-  
munication damnation : ce que remarque aussi  
saint Augustin, \* & adiousté le mesme Syrci-  
us, que quelquefois l'excommunication opere  
és hommes le mesme effect, qui se trouua en Ju-  
das, & est inseparable des damnés, c'est à sçauoir  
de desespoir, & d'obstination. C'est pourquoy  
peut estre l'Eglise trespitoyable enuers tous,  
mesme enuers les Iuifs & Payens, prie solennel-  
lement pour eux le vendredi saint, nō pas pour  
les nommément excommuniez. Mais S. Augu-  
stin en autre endroit exagere merueilleusemēt  
(neantmoins selon la verité) l'importante de ces  
cas. *Si Ecclesiam non audierit, dit-il, sit tibi sicut ethni-  
cus & publicanus : grauius est quàm si gladio feriretur, si  
flammis absumeretur, si feris subijceretur. Et peu apres  
Ecce alligatur homo amariis, & infelicis Ecclesie clau-  
bus, quàm quibuslibet grauissimis & durissimis ferreis &  
adamantinis nexibus.* Qui n'obeit à l'Eglise ou à  
son prelat, estime-le comme vn payen & publi-  
cain : Ceste peine icy est plus grievee, que d'e-  
stre frappé par le glaue, que d'estre bruslé,  
que d'estre mangé des bestes. Les chefs de l'E-  
glise lient plus durement & miserablement, que  
les plus pesantes & dures chaines de fer, ou  
liens adamantins. Il appert doncques par cecy

& par tout ce que dessus, quel respect on doit  
 porter à nostre saint Père, qui a vn si grand  
 pouuoir en l'Eglise: quelle crainte on doit auoir  
 de tomber en des laqs si d'agereux, & quel  
 soing & diligence il faut apporter, si on y est,  
 pour en sortir & s'en dépetrer au plustost. Par-  
 tant disoit Saint Urbain \* Pape premier du \* Ep. 1.  
 nom, & Saint Gregoire le grand, \* *Episcopi sen-* \* 19. Mor-  
*tentiam time vel iniuste latan,* Crains la sentence de c 18.  
 ton Euesque combien qu'elle semble estre in-  
 iustement & à tort proferee, dequoy nous en auons  
 exemple en Theodose le grand, \* qui à \* Niceph  
 tort excommunié par vn moine, ne voulut pas lib. 4.  
 manger, qu'au prealable il ne fust par luy ab-  
 souz. Aussi Loys le debonnaire, fils de Charle-  
 maigne ne voulut oncques rentrer en son Roy-  
 aume, duquel il auoit esté dechassé par vne ex-  
 communication, qu'il n'en fust solemnellemēt  
 absouz. \* Et au Concile de Tours souz Char- \* Ann.  
 lemaigne, conformément au decret de Saint Franc.  
 Leon Pape premier, il est cōclu \* que ceux qui \* Gelaf.  
 font peu de l'excommunication, soient repri- decre. 2.  
 més & empeschés par force seculiere, des cho- Alex. 3.  
 ses illicites. Et lors que la puissance des hom- patre 3  
 mes n'est suffisante pour ce faire, Dieu souué- c. 6.  
 tesfois faict paroistre ses iugements par des pu-  
 nitions estrâges, pour tenir en bride, voire tous  
 les plus grands Seigneurs de la terre, qui pen-  
 sent pour leur grandeur deuoir estre exempts  
 de tous chastiments. En quoy la fin & le but de  
 l'Eglise est l'honneur & la gloire de Dieu,  
 \* afin qu'ils apprennent à ne blasphemer point: \* 1. Tim



\* Aug. de puis \* afin que qui autrement ne se peut corri-  
 cort. & ger, esmeu d'un si grand mal, rougisse de honte  
 gra. c. 15. & retourne à vraye penitence, & que l'esprit  
 lib. de fide soit sauf au iour du Seigneur, & afin que il des-  
 & operib. soit sauf au iour du Seigneur, & afin que il des-  
 c. 3. conc. aprenne de faillir, ne trouuant point de compa-  
 Turo. i. c. 8. gnon pour mal faire, selon le dire d'Innocent 1.  
 \* Ep. 25 & \* Plus pource que les fideles Chrestiens ( dict  
 26. le mesme) penseront celuy qui est encores vny  
 en l'Eglise n'estre point en erreur.

L'Eglise aussi pretend par tel remede si ex-  
 treme & efficace semblable, de prouuoir, \* que  
 tout ainsi que la chair morte par maladies, si  
 elle n'est incisee, peut apporter corruption par  
 sa contagion au reste du corps, de mesme n'en  
 aduienne si on permet qu'un incorrigible &  
 peruers s'entremesle avec les bons, lesquels par  
 le mauuais exemple soient depraues & corró-  
 pus. Partant il n'est pas moins contre le droit  
 Ecclesiastique se conioindre à un excommunié  
 incorrigible, qu'est cõtre la nature de reprẽdre  
 vn membre infect & pourry, ia retransché de  
 l'homme, & ne doit estre moins detestable, que  
 seroit de remascher ce que avec grand contre-  
 cœur & conuulsion on auroit au parauant vo-  
 my. Mais il est temps que comme nous auons  
 promis, nous prouuions nostre dire par exem-  
 ples.

Le Corinthien estant excommunié par Saint  
 Paul, fut visiblement possedé du Diable, & re-  
 duit en telle destresse, que l'Apostre mesme en  
 eut compassion avec tout le peuple Chrestien:  
 Saint Ambroise tresgrad Docteur & tressaint



personnage, comme racompte S. Paulin, ayant excommunié le secretaire du Compte Stilicô, tout à l'instant le Diable s'en faist, & le commença à tourmenter & bourreler. On lit aussi d'un certain clerc de l'Eglise de S. Eleuthere, lequel comme il ne tint compte des aduertissemens, ny mesme de l'excommunication du Patriarche Gennadius, à ces parolles d'iceluy que il profera avec vn iuste courroux & indignatiô les adressant audi& S. Eleuthere, *Aut emenda clericum tuum, aut absconde*, ou corrige ton clerc, ou retranche-le de ceste vie, expira au mesme t&ps, L'Empereur Anastase peu soigneux de l'excommunication du Pape de mesme non Anastase, perit malheureusement par le foudre du ciel, qui est le propre supplice des plus meschants, selon que remarque S. Gregoire Taumaturgus. \*

\* prauum spirit.  
c. 145. Cedrenus.

\* Ep. i. ca non. cā. 6

De mesme en print à vn notable Gentil-homme, que refere Pierre Damien Cardinal \* comme luy auoit rapporté vt tressain& & tresgraue Euesque Apsarense, qui s'appelloit Pius. Dôcques ce gentilhomme ayant esté excommunié, pour s'estre marié avec vne sienne proche parente, pour tout cela ne desistoit pas, ains s'en mocquoit comme d'une fable & ieu d'enfants. Il aduint qu'estant à table, les chiens n'oser&nt gouster, ny toucher les morceaux de pain qui leur estoient iettés, comme s'ils apperceussent ou flairassent quelque poison prouenante de l'excommunié. Le miserable plus dur qu'acier, plus immobile en son obstination qu'un

\* Ep ad Hildebrā.  
dum papi  
seu Greg.

rocher, quand moins il y pense, gisant & reposant la nuit en son liect, il est emporté par vn horrible tonnerre, & trouué le matin tout roide mort & estandu. Et pource qu'auons parlé des pains que les chiés eurent à desdain, ie veux rapporter icy ce qui est escript aux chroniques de Magdebourg: pource que le Marquis Bernard à Geronne en fit autant, & autant luy en aduint, comme aussi au prince de Brádebourg Otho. Cestuy-cy apres auoir esté excommunié par l'Euesque de Magdebourg Ludolphe, voyons, dict-il en se moquant s'il est vray ce qu'on dict communément, que les chiens ne prennēt rien de la main des excommuniez, lors voyant que les chiens ne voulurēt mordre aux loppins de chair qu'il leur auoit ietté, il en faict ieusner vn trois iours, apres lequel temps neámoins le chien ne voulut rien prendre de sa main, ce qui fut cause qu'il s'accorda & s'humilia à son Euesque. A cecy mesme appartient ce que fit S. Anthonin Archeuesque de Florence,

Pet. Dā. \* pour donner à entendre que c'est que d'une  
ep. 14. c. 12. ame excommuniée. Car il fit sur le champ, deuenir vn pain blanc tout noir, disant que sans comparaison estoit beaucoup plus noir & hideux celui, sur qui tomboit le foudre d'excommunication. Almificus \* Euesque de Magence excōmunia son propre Pere, Otho, Empereur, pource qu'il auoit prins pour femme vne sienne commere, & cela fit ledit Euesque apres l'auoir admonnesté & repris, pour recompense dequoy fut long temps tenu en prison, de la-

in vita.

quelle au bout de l'an esslârgi, la feste de Pasque s'approchant, luy predict que le iour de la Pentecoste tous deux se verroient deuant le iugement de Dieu. Quant à l'Euesque il preceda l'empereur à l'autre vie : mais l'Empereur le mesme iour de Pentecoste estant à la messe en sa plus grande magnificence, & le mieux assisté de ses courtisans que iamais, tout à coup tomba mort sur la place.

Manuelus Malaxus racompte en la vie du Patriarche Maximin, que l'an 1450. ayant le grand Turc ouy dire, que les corps de ceux qui estant excômuniez & meurent sans absolution, ne se peuuent resoudre en poudre, ains qu'ils demeurent fort long temps entiers & estandus comme des tabourins, il ordonna que Maximin le Patriarche en fit quelque preuue s'il estoit possible. Apres auoir faict inquisitiô & recherche soigneuse, finalement il se resouuint que Gennadius Scholarius vn de ses predecesseurs maintes annees au parauant auoit excommunié vne femme, laquelle des lors mesme saisie d'une dyssenterie, au bout de quatre iours mourut, le corps demeurant par apres tout noir & enflé comme vn tabourin, & de telle façon entier que mesme pas vn des cheueux n'estoient tombez à terre. Cecy veu par les gens du Turc, luy fut racompté de point en point, eux demeurants bien esbahis & estonnez d'une telle & si rare force & vigueur de l'excommunication. Mais pour faire court, passons outre, ie vous prie, & ne nous amusons pas ailleurs, n'ayants



\* Greg. faute d'exemple chez nous.

Euro. 5. hi. \* Nantin Comte d'Angoulesme pour son v.  
c. 36. Ai- surpation sur les biens de l'Eglise fut excom-  
noinus 3. munié par Heraclius Euesque, qui deceda par-  
aust. c. 31. auant que de l'auoir absous : quelque temps a-  
pres son trespas ledict Nantin tomba malade  
d'une fascheuse maladie & bruslant de fiebure  
il s'escri, helas ! helas ! ie suis ards & bruslé par  
Heraclius Euesque , qui me tourmente fort &  
me somme deuant le iugement de Dieu , ie re-  
cognois ma faute, ie me refouuiét des torts que  
ie luy ay faict , ie prie le Seigneur, qu'il me  
vueille bien tost enuoyer la mort, afin que ie ne  
sois plus longuement affligé de ce tourmēt que  
i'endure : en fin il mourut criant tousiours de  
ceste façon, donnant bien a cognoistre par si-  
gnes tref-euidens, que c'estoit vn chastiment de  
la main du Saint Euesque. Car son corps de-  
uint si noir, que vous eussiez dict qu'il auoit esté  
mis entre les braises, ou ietté dans vne fournai-  
se.

Regin in  
Iustiniano  
iuniorc.

\* Le Roy des Parisiens, Heribert fils de Lo-  
thaire poussé de sa concupiscēce & plaisir char-  
nel, apres vn diuorce de sa premiere femme se  
maria contre toute loy & raison à deux sœurs.  
Partāt S. Germain Euesque de Paris pour lors,  
& à present vn des principaux patrons d'iceluy  
l'excommunia, dont bien peu de temps apres il  
deceda miserablement. Vous auez vn cas sem-  
blable, encore que pour diuerse cause, en vn des  
hommes d'Ebroyn grand Seigneur de la Fran-  
ce, lequel excommunié par saint Eloy Eues-



que de Noyon \* tout aussi tost tomba à terre \* in vital.  
comme mort. \* Et d'un prestre qui pareillmēt <sup>2.c.19.</sup>  
excommunié, & ne laissant toutesfois de cele- <sup>\* c.25.</sup>  
brer, si tost qu'il s'approcha de l'autel mourut  
miserablement. Robert Roy de France, pour  
auoir espousé vne sienne proche parente, fut  
excommunié quasi de tous les Euesques du  
Royaume : dont il eut vn fils le col & la teste  
duquel ressembloit à celle d'un oison, & fut tel-  
lement abandonné des siés, qu'il ne luy demeu-  
rerent que deux pauvres seruiteurs, lesquels  
toutesfois l'auoient tant en horreur à cause de  
l'excommunication, qu'ils iettoient au feu tou-  
te la vaisselle dont il vsoit en sa table. \*

L'effect de ceste sentence arriue mesme ius- <sup>\* Glycas</sup>  
partie 4.  
ques aux morts, ainsi que S. Gregoire declare  
au second liure de ses dialogues, \* ou il racon- <sup>\* c.13.</sup>  
te, comme deux religieuses issues de bōne mai-  
son prouoquoient souuent par plusieurs parol-  
les iniurieuses vn religieux qui auoit accoustu-  
mé de les servir : dequoy S. Benoist estant ad-  
uertuy leur enuoya dire qu'elles corrigeassent  
leur langue, autrement qu'il les excommunioit.  
Et n'en tenans grand conte elles moururent en  
peu de iours. Or comme on disoit la Messe en  
l'Eglise en laquelle elles auoient esté enseuelies  
& que selon la coustume le diacre crioit tout  
hault (*si quis non communicat det locum*) si quelqu'un  
ne communie pas, qu'il s'en aille : la nourrisse  
de ces deux religieuses les voioit sortir de leurs  
sepulchres & se departir hors de l'Eglise. Ce  
qu'ayant obserué plusieurs fois & se resouenāt

que suiuant le mandement de S. Benoist elles auoient esté en vertu de l'excommunicatiō priuees de la communion, elle raconta tout ce que elle auoit veu , audict S. Benoist , qui fist ceste responce. Allez & faictes presenter à Dieu sacrifice pour leurs ames , & elles ne seront plus excommuniees. Ce qui aduint, & on ne les vit plus sortir de l'Eglise.

Quasi le semblable, Glycas en ses Annales escrit S. Gregoire mesme auoir faict. Il excommunia vn certain moine , pour auoir commis quelque chose contre la volonté de son Abbé , & contre les loix du monastere : peu de iours apres il trespassa sans auoir esté absouls , au grand regret de S. Gregoire, qui par vn Diacre fit lire à son sepulchre la forme de l'absolutiō. La nuit suiuant ledict moine assura son Abbé de sa deliurance , obtenuë par le moyen de la dicte absolution.

Je vous diray bien plus, les martyrs mesmes ne peuuent perceuoir les fructs de leur triomphante victoire, qu'au prealable ils ne soiēt deliurez de l'excommunication qu'ils auroient peut estre encouruë viuans encore en terre. Philon le Philosophe en son histoire Ecclesiastique \* nous le tesmoigne , escriuant que San-  
Apud  
lycā sup. dapila martyrisé sans auoir esté absouls de l'excommunication prononcee autrefois cōtre luy sortit par trois fois de l'Eglise, quand y venant pour celebret les diuins offices l'Abbé dit . *Pax vniuersis* , & que son corps n'y pouuoit demeurer , qu'apres l'absolution donnee. Adioustez

s'il vous plaist, cē que \* Matthieu Blaſtares au- \* in No-  
theur digne de foy eſcript ( afin que nous ne mīmo.  
penſions que ce ſoit des comptes, pour donner  
l'eſpouuante aux femmes & enfans ) que les dia-  
bles entrent quelque fois aux corps morts des  
excommuniez, & apparoiſſent aux amis & plus  
familiers d'iceux, avec vne hideuſe grimace, les  
yeux flamboyans & eſtincelans, donnant hor-  
reur à toute vne ville, & y faiſant grands dom-  
mages & degats.

Par tels & ſemblables exemples l'on voit éui-  
demment en quel danger, tant du corps que de  
l'ame ſont les deux Hâris, avec tous leurs adhe-  
rans, qui ne peuuent attendre ſinon que quelque  
horrible iugement de Dieu : puis qu'ils ſe mō-  
ſtrent ſi endurcis & obſtinez en leurs meſchan-  
cetez, perſecutans à toute outrance les bōs Ca-  
tholiques. Car ſi pour ſubuenir au reſte du  
corps on retranche les membres corrompus,  
quoy qu'ils ſoient importans & neceſſaires, &  
voire ſi faire ſe pouuoit la vie ſauue, arrache-  
roit on le cœur & la teſte meſme infectez, pour  
le bien de tous les membres, Dieu qui peut ſas  
difficulté retrancher ceſte pernicieuſe teſte &  
cœur enuēimé du Royaume de France, ne  
permettra pas qu'avec la ruine de tout le peu-  
ple ils ſuſſiſtent plus long temps en ce corps  
treſnoble & treſchreſtien. Que ſi quelque Poli-  
tique ſ'aduanee de dire, qu'un Roy de France  
ne peut eſtre excommunié : il eſt facile de reſ-  
pondre, qu'iceluy eſtant enfant de l'Eglife eſt  
ſubiet à la diſcipline d'icelle, cōme tous autres



Chrestiens, n'y ayant aucun canon de l'Eglise, par lequel il en soit exempté : & au contraire y en ayant plusieurs , par lesquels tous ceux qui commettent semblables meschancetez que luy sont notoires excommuniees, de quelque qualité & condition qu'ils soient. Ce que clairemēt nostre S. Pere a déclaré tant au consistoire, que aux audiences qu'il a donné à l'Euesque du Mans, auquel entre autres choses il a dict, ou qu'il falloit brusler le decret & tous les saincts Canons, ou que sans doubte Henry y estoit compris. Parlant aussi du decret fait par Messieurs les docteurs de la faculté de Theologie, il dict, qu'ils ont en cela fait office de consultants, confesseurs, curez & docteurs, à qui il appartient d'expliquer le droit, d'instruire, dresser, conseiller, de maintenir & d'agrandir aussi le prix & l'autorité des sacrez canons, & des auteurs & conserveurs d'iceux, qui sont les Papes.

Quant au bref sur lequel se fondoit ledit Henry, comme si en vertu d'iceluy il peut estre absous : nostre S. Pere a déclaré au mesme Euesque du Mans, qu'il n'entendoit, ny n'entendit iamais, que tels cas si énormes & extraordinaires y fussent contenus. Outre ce qu'il ne s'est iamais disposé, ny rendu capable de recevoir aucunement absolution, veu qu'il ne se depart en nulle façon de ses peruers & malings cōseils. accumulant de iour en iour iniquité sur iniquité. pour irriter dauantage l'ire de Dieu, & du saint siege a l'encontre de luy, mesmement en



ce qu'ils s'est associé & vny avec les heretiques, iusques la qu'il a faict la premiere personne apres soy, le principal chef de l'huguenotisme, vn relaps, vn nommément excommunié & persecuteur de l'Eglise des sa premiere ieunesse. Et qui voudroit contredire à cecy, ne verroit le iour en plain midy, veu que tout s'est dict & faict à la veuë de tout le monde. Oüy mais disent-ils la Bulle n'est que comminatoire, ce n'est qu'une semonce, il y a des conditions, & vn certain terme prefix, lequel tandis qu'il n'est pas escheu & accompli, c'est preuenir & anticiper le sentéce, ou les effects d'icelle. Vous m'accorderez que la Bulle n'improue rien de ce qui s'est faict, & se faict a present, qu'elle n'absout pas Henry de Valois, ny ne declare pas qu'il ne aye encouru l'excommunication. C'est pour le moins doncques vn grand preiugé pour nostre cause, comme aussi le consentement, faueur, & assistance des plus gens de bien, sans exception, qui soient dans & hors ce Royaume. Il se fault mettre deuant les yeux que ce n'est pas tout vn d'estre excommunié par le droit des Canons, & l'estre nommément & solennellement de son Prelat ou superieur. Et dauantage, que declarer vne chose estre telle, ou telle ne la faict pas, mais la presuppose, & la dōne à cognoistre pour telle qu'elle est en soy mesme. Au surplus, la declaration n'est pas necessairement requise, afin que la censure, ou l'effect d'icelle soit appliqué, & executé en la personne de celuy qui d'ailleurs seroit tombé en la susdite censure: ains la

declaration ne sert qu'a plus solenniser, autho-  
riser, & authentifier ce qu'autremēt & de soy-  
mesme est assez fort & efficace pour estre effe-  
ctué: ou pour oster toute doute & presomptiō  
que quelqu'un pourroit auoir d'estre exempt  
des censures, ou finalement pour en certifier &  
asseurer toute la Chrestienté, & l'animer dauā-  
tagé contre vn tel excommunié, & aussi nōmé-  
ment déclaré pour tel. Car qui osera dire, que  
le Biarnoïs deuant la declaration de sa saincteté  
ne fut proprement & veritablement excommu-  
nié, & qu'ensemble ses subiects ne fussent exēpts  
de tout hommage & subiection? De tout cecy  
nous concluons que soit le monitoire & semō-  
ce pour la declaration mesme, ny l'un ny l'aut-  
re n'oste rien, ny ne diminue de la teneur &  
force des Canons, mais seulement rend la chose  
plus notoire à tout le monde, & le delinquant  
plus infame, & lié.

Et d'abondant il s'ensuit, qu'en accomplissant  
les conditions portees en la Bulle, & ne voulāt  
à ceste occasion le S. Pere proceder à la decla-  
ration, comme d'ailleurs & absolu mēt il pour-  
roit, il ne feroit pourtant vne contraire decla-  
ration, par laquelle il declarast le delinquant  
n'auoir pas esté excommunié auparauant: mais  
où qu'il luy en donneroit l'absolution, ou que  
contant de l'excommunication des Canons &  
du droit, il se deporteroit de ladiēte declara-  
tion.

Et pour recogroistre la verité de tout cecy  
plus clairement, il ne faut que par le menu con-

siderer le contenu de la Bulle.

Donques nostre S. Pere apres auoir mis en auant la grandeur de la puissance du souuerain pasteur de l'Eglise, l'esgard qu'il a enuers les penités & les obstinez pour s'accommoder aux vns avec douceur, aux autres avec rigueur. Il entre en matiere du massacre & detention des Cardinaux & Euesques, l'appellant chose notoire à vn chacun; lequel crime est exageré en passant, pour le regard de l'Archeuesque de Lion, d'autant qu'au mesme temps Henry faisoit solliciter à Rome vers sa sainteté pour le faire Cardinal: comme aussi il proposoit le Cardinal de Guise pour Legat d'Auignon.

S'ensuit que pour ce faict la, luy, & tous ses conseillers en cest affaire, tous les complices, fauteurs, qui l'ont maintenu, defendu & receu, ou qui autrement ont donné conseil, secours, ayde, cooperation, ou qui ont esté gardes, ou ministres en telle execution, ayent encouru la sentence d'excommunication, censures, & peines contenues és saincts Canons, tant generaux que particuliers, des Conciles & Papes, & dans les lettres que sa sainteté publie tous les ans le Ieudy absolu, qu'on appelle la Bulle *in cæna Domini*. En apres il se plaint grandement de n'auoir receu de luy, ny par les siens en son nom, aucun signe de recognoissance, l'ayant tant desiré & mesme enhorté à demander l'absolution & que nonobstant les sacrileges si atroces commis il n'à relasché & mis en liberté le Cardinal de Bourbon, & l'Archeuesque de Lion, selon



que sa saincteté mesme s'estoit daignee de luy en donner aduis & conseil.

5 En cinquiesme lieu, il proteste qu'esmeu d'un singulier & paternel amour qu'il luy a tousiours porté, & eu esgard aussi à la dignité Royale, il a tant differé, enuiron l'espace de cinq mois, à faire & publier la declaration, comme il pouuoit bien plustost.

6 Mais que contraint finalement par le deuoir de sa charge d'obuier à vn si grand scandale de toute la Chrestienté, à conseruer en toute asseurance, & nómement les Cardinaux & Prelats del'Eglise, à maintenir l'honneur & la splendeur du S. Siege Apostolique, il enhorte, admoneste par vne deux & trois fois, demande & commande en la vertu de la saincte obeyssance qu'il deliure, ou face deliurer lesdicts prisonniers avec sauf-conduit, & tout ce qui est requis pour leur seureté, dedans dix iours à compter depuis la publication de ceste Bulle : faisant paroistre à sa saincteté trente iours apres qu'il l'à ainfi executé.

7 Que s'il n'en veut rien faire, il prononce, & declare, *ex nunc prout extunc*, c'est à dire des a ceste heure pour le tēps auquel le terme sera accompli, contre luy & contre les autres comme dessus, qui ont esté, ou sont participans du massacre, ou emprisonnement, de quelque estat & dignité qu'ils soient, seculiers Ecclesiastiques, pour excommuniez, & subiets aux autres peines comme dessus. Toutesfois, il les somme de comparoir à Rome, Henry de



Valois en propre personne, ou par Procureur: mais les autres en propre personne dans soixante iours apres la publication de la Bulle, afin qu'ils se purgent, s'ils peuuent, sur les crimes susdits, & plusieurs autres, & qu'ils alleguent ce qu'ils aduiseront, pourquoy on ne puisse declarer a raison de ce que dessus qu'ils ayent encouru les peines des excommuniez, & que par mesme moyen leurs subiets puissent estre absouz ou declarez d'auoir esté desia absouz, de leur porter obeissance, & garder fidelité. Si encore cecy n'est obserué, ou si ayant comparu il se feront bien purgez, sa saincteté procedera a la declaration, comme dessus, avec toutes les formalitez du droit.

Finalemēt que nul quel qu'il soit, quelconque priuilege luy aye esté onques concedé, ou à Henry mesme ne puisse ce pendant absoudre pas vn d'eux, des susdictes censures, sauf en l'article de la mort, ny mesmes alors, s'ils ne promettēt de garder ce qui est porté par les saincts canons, & de s'atisfaire à l'Eglise reuenans à santé. Pour la publication il suffira la faire en deux ou trois de ces six villes, Poictiers, Orlans, Chartres, Meaux, Agen, & le Mans. Voyla toute la Bulle redigee en certains poincts le plus briefuement, & clairemēt qu'il nous a esté possible. Dont il appert à vn chascun ce que pretendons & auons prouué en ceste derniere partie de nostre discours. Vous auez au troisieme point, que Henry, & les siens ont encouru l'excommunication, & les autres peines Ecclesia-

stiques des sacrez canons. Au septiesme le mesme y est contenu, en specifiât qu'on n'aye point d'esgard à aucune dignité & estat voire Ecclesiastique, & que des maintenant pour le regard de la deliurance du Cardinal, & de l'Archeuesque, si Henry ne la faict, luy & les siens, le terme des dix iours apres la publication expiré, doivent estre tenus pour declarez & denoncez. Car pour l'autre point d'en escrire à Rome apres la deliurance, & pour n'auoir comparu, ou ne s'estre pas purgé, il s'en reserue la declaratiô à vn autre temps prefix. Et mesmes bien que Henry eust deliuré lesdicts prisonniers, il ne laisseroit pas pourtant d'estre obligé au reste, c'est à sçauoir d'escrire & de comparoistre à Rome selon que dessus.

Au dernier que nul n'en puisse donner l'absolution que le S. Pere, hormis en l'article de la mort. C'est doncques signe, ains il est necessaire d'inferer que celuy qui ne peut estre absoubz, est desia astraint & lie.

Partant non seulement par le droit naturel, & ciuil que chacun a de se garentir, & que toute Republique retient sur le Roy en cas de necessité, & signamment quant il est faineant, desloyal, tyran, (ce qu'est Henry & beaucoup plus) mais encore par l'Ecclesiastique il a esté, est, & sera loisible, de nous vnir par ensemble, de porter les armes, lesquelles les saincts & sacrez Canons nous mettent au poing, le S. Pere nous permet, nostre Seigneur & les bié-heureux auoüët, monstrans tant de faueur à nos saintes entre-

prinſes : les gens doctes, ſages & conſcientieux  
apprennent, & tout le monde enſemble, fors les  
plus ignares & meſchans : voire nos ennemis  
s'ils veulent parler franchement, & ne s'opinia-  
ſtrer point dauantage, en penſent comme ie croy  
& iugent de meſme. Ce que conſiderant les de-  
uroit eſmouuoir à quitter le party en toute ma-  
niere plus foible, à redouter l'effort des valeu-  
reux Princes Catholiques. & bien vnis: à crain-  
dre l'eſpouuentable iugement de Dieu, qui les  
talonne de bien pres. Que ſi d'un coſté nos pe-  
chez le deſtournent de deſſus leurs teſtes, ceux  
de Henry de Valois, & de ſes adherans, qui ex-  
cedent toute meſure, qui tirent en precipice la  
plus belle perle de la Chreſtienté, avec vn grád  
danger de toute l'Egliſe, feront que le meſme  
Dieu prenne la vengeance d'une querelle ſi iu-  
ſte, ſi ſaincte, ſi importâte, & qu'il ratifie au ciel  
comme il a promis, la ſentéce que ſes miniſtres  
prononcent en terre, ainſi ont deſia prononcé en  
vertu des ſaincts Canons, ou prononceront de  
leur abſolue poiſſance, tant plus que Henry eſt  
bien loing de faire ce qu'on luy commãde, vœu  
les hoſtilites plus que barbares, qu'il exerce par  
foy & par les ſiens, & qu'auiſi le terme des dix  
iours eſt deſia expire.

Matt. 18.

Qu'il attende hardiment en ſa perſonne tel  
euenement que nous liſons de l'Empereur Hé-  
ry quatrieſme, duquel il eſt ſingulier imitateur  
Il fut excommunié pour vne beaucoup moin-  
dre cauſe que noſtre Henry, & ainſi excommu-  
nié mourut miſerablement: luy ayant Dieu ſuf-



cité son propre fils pour luy faire la guerre. Escoutez s'il vous plaist la sentence que prononça ce saint & tresmagnanime pasteur Gregoire septiesme du nom, laquelle sert beaucoup à nostre propos, & se peut fort bien appliquer

Platina. mot a mot contre Henry de Valois.

\* *Fidens in Dei iudicio & misericordia, inque patrocinio Beata Virginis; sultus etiam auctoritate vestra, (il parle à S. Pierre & S. Paul) ipsum Henricum eiusque fautores vinculo anathematis colligo, atque iterum regiam ei potestatem adimo, interdicoque Christianis omnibus illo iuramento absolutis, quo fides Regibus dari consuevit, ne Henrico vlla in re obtemperent. Et peu apres. Agite igitur Apostolorum sanctissimi principes, & quod dixi vestra auctoritate interposita confirmate, ut omnes nunc demum intelligant, si potestis in caelo ligare, & soluere: in terra quoque imperia, regna, principatus, & quicquid habere mortales possunt auferre & dare nos posse. Si enim quæ ad Deum pertinent iudicare potestatis, quid de his inferioribus & profanis censendum est? Et si angelos dominantes superbis principibus vestrum est iudicare, quid in seruos illorum facere vos decet? Ediscant nunc Reges huius exemplo, & omnes seculi Principes quid in caelo possitis, quantique apud Deum sitis, ac deinceps timeant sanctæ Ecclesiæ mandata contemnere. Hoc autem iudicium citò in Henricum exercete, ut intelligant omnes iniquitatis filium non fortuitò, sed vestra opera è regno cadere. Hoc tamen à vobis optauerim ut pœnitentia ductus in die iudicij vestro rogatu gratiam à Deo consequatur. C'est à dire, Me confiant au iugement, & en la misericorde de Dieu, en l'aide & intercession de la vierge Marie, & appuyé aussi sur vostre authorité (il parle*



à S. Pierre & S. Paul ) i'excommunie Henry a-  
uec ses fauteurs, luy ostant de rechef tout pou-  
uoir & toute subiection des siens. ( Car il l'a-  
uoit vne fois absouz de l'excomunication, mais  
non pas réhabilité à l'empire.) Faiçtes dōcques  
tressainçts Princes des Apostres, en confirmant  
par vostre auctorité ce que i'ay dit, qu'un cha-  
cun scache, & entende, que vous pouuez lier &  
absoudre au ciel, & que nous aussi pouuons o-  
ster & donner toute dignité ou domaine, quel  
qu'il puisse estre, icy bas en terre. Car si vous a-  
uez le iugemēt des choses concernantes à Dieu,  
à plus forte raison de ces choses basses & profa-  
nes. Et si c'est a vous de iuger les mauuais An-  
ges, qui cōmandent & maistrisent les Princes de  
la terre superbes & arrogans, que deurez-vous  
faire à l'endroit des seruiteurs & esclauēs? Que  
les Rois & tous les potentats du monde apren-  
nent par cet exēple, quel est vostre pouuoir au  
ciel, & en quel rang d'hōneur vous estes à ceste  
heure deuant Dieu: & que deormais ils ayent  
paour, & se gardēt de mespriser les commande-  
mēts de la sainte Eglise. Exercez, & effectuez  
biē tost ce iugemēt cōtre Héry, afin qu'on sca-  
che que le fils d'iniquité, n'a pas esté casuelemēt  
debouté de l'Empire, ains expressement par vo-  
stre prouuoiaçe & auctorité souueraine. Neāt-  
mois ie desire & vous supplie que par vostre in-  
terçessiō, il puisse trouuer grace & misericorde  
deuāt Dieu au iour du iugemēt. Et d'autāt qu'ū  
certain Guillaume Euesque de Mastric entre-  
prenoit opiniaistremēt de suiure, & defendre le

party dudit Héry, l'entretenāt en son erreur & obstination au mespris du S. Pere, de ses césures & excōmunications, preschant aussi toutes les festes contre ladicte excōmunicatiō dudit Héry: aduint que par la iuste vengeance de Dieu il fut frappé d'vne tresgrande & extreme maladie, durāt laquelle il hurloit, & avec pleurs & gemissemens crioit qu'à bon droit nostre Seigneur luy faisoit perdre la vie presente, & celle des biē-heureux, pource que, disoit-il, pour se maintenir es bōnes graces & faueurs d'vn Roy terriē, il auoit negligé & vilipédé l'auctorité de l'Eglise, faisant de guet a pēd grand tort & outrage au Pape, lequel il cognoissoit biē pour vn saint personnage, & doué de toutes vertus, & qualitez vrayemēt Apostoliques. Parlāt ainsi & criāt, il rēdit sans aucune reconciliation à penitēce, par diuine permission, son malheureux esprit. A cet exēple la plus part de ceux qui se sētoient touchez de l'excommunication avec leur maistre Henry, furent si fort esmeuz, & de telle facon espouuentez, que iusques aux plus grāds de la court, il cōmencerent tous peu à peu à l'abandoner. Et quoy que Henry forcené & trāsporté de cholere, les appellast, les priaist & menassast, disāt & protestāt, que l'excōmunication estoit nulle, & qu'il estoit celuy la, à qui l'Apostre dict, que le glauiue a esté donné par nostre Dieu, pour faire iustice des malfaiçteurs: pour tout cecy & pour toute autre chose qu'il taschast de faire, lesdits Seigneurs & vassaux aimèrent mieux offencer & irriter vn hōme que Dieu

encourir la perte & mort du corps, q̄ de l'ame.

Il n'en firent ny plus ny moins peu apres, quād changeāt de note ledit Henry, & feignant avec belles promesses de se vouloir corriger, ils firēt responce à ses Ambassadeurs, qui estoïēt venus à Fribourg, en ces termes ou semblables. Quāt à nous, tādīs qu'il n'y alloit que de l'interest tēporel, & de nostre honneur & reputation, iāçoit qu'il y auoit bien occasiō de s'en ressentir, nous l'auons supporté, eu égard au serment & subiectiō que luy deuions, de peur que souz ombre de nous conseruer, nous ne semblassiōs imprudemment & impudément nous estre soustraits & departis de luy. Mais ores qu'il est retrāché du corps de l'Eglise, par le glaiue de l'excōmunication, en quel cas il n'est permis d'auoir cōmunication avec luy, sans danger de tomber és censures de l'Eglise, & de violer nostre foy & Religion. Veu qu'aussi le S. Pere nous deliure de tel serment & subiectiō, ce nous seroit vne folie extreme de ne vouloir accepter & receuoir à bras ouuers vne si belle occasion de nostre salut. Pour conclusion nous en sommes arrestez là, de choisir & eslire vn d'être nous, qui face & poursuiue les guerres du Seigneur, pour destruire & aneantir l'hautaincté de tout hōme qui s'esleue & regimbe contre la iustice & verité de Dieu, contre l'auctorité de la saincte Eglise Apostolique & Romaine.

A la mienne volonté que ces beaux exemples icy seruēt & facent profit à toute sorte & qualité de gens de ce Royaume. Particulieremēt, &



en premier lieu aux Prelats (ie diss'il y en a qñ-  
qu'un qui en aye besoing, & pleust à Dieu que  
on peust asseurer que non) lesquels cōme vrais  
Leuites ayant Dieu seul pour leur lot & patri-  
moine, doiuent par sur tous les autres espouser  
sa querelle. En apres aux Princes, Seigneurs &  
Magistrats, qui doiuent cōme nourriciers pro-  
tecteurs & defenseurs de l'Eglise, s'opposer vi-  
rilemēt, & pour dire en vn mot, Chrestienemēt,  
contre les perturbateurs & violateurs d'icelle.

Finalemt à chacun en particulier, qui sans  
danger de peché mortel, pour le moins ne peut  
fauoriser, ny mesme conuerser avec telz. excō-  
muniez, en quoy neantmoīs aisement on peché

Guil. Peral  
o. 2. sūm.  
irt. & vit.

Et pource le diable estant quelquefois interro-  
gué, par quel moyen principalement il attiroit  
plus de personnes aux enfers: respondit par la  
bouche d'un possédé, que c'estoit moyennant  
l'excommunié, avec lequel comme plusieurs ne  
font difficulté de cōuerser, aussi à tous pas tres-  
buchēt-ils és fosses du peché, s'exposant au dā-  
ger éuinēt d'encourir la mort eternelle de leur  
ame. Mais maintenant qu'à raison de la guerre  
les excommuniez qui y sont plus enfoceez, n'au-  
ront pas le loisir de se recognoistre, tant plus  
tost aussi tomberont-ils au gouffre infernal. Il  
est bon à voir que telles sortes de gens qui ne se  
rangent avec les bons, & qui en rien ne redou-  
tent les sacrez Canons & sentences des Papes,  
sont ou bien extremement malings, & hors de  
tout remede de salut, ou pour le moins fort i-  
gnorēs, & bien peu versez & entendus en la do-



Strine & tradition Ecclesiastique. Theodose le grand n'en faisoit pas ainsi, lequel excommunié par S. Ambroise, pour vn seul crime, beaucoup moindre sans comparaison, que tât & tant d'autres, desquels nostre Henry avec les siens est chargé, disoit.

*Tu quidem Ruffine ludis, meorum enim malorum sensu* Theod.  
*haud tangeris: Ego verò gemo lamentorque in considera-* Eccl. hist.  
*tione calamitatis meae, quod cum seruis & mendicis pateat* l. 5. c. 18.  
*diuinū templum, illique libere ad precandum Dominum*  
*sui ingrediantur, mihi cum illud inaccessum, tum usuper*  
*& cælum occlusum sit. Memoria enim teneo dominicam*  
*vocem, quæ manifestè dicit. Quæcunque ligaueris in terra,*  
*is & in cælo erit ligatus.* Quant à toy Ruffin tu te  
ioües & moques de moy, ne te resellant pas, &  
n'ayât compassion de mes maux: mais quant à  
moy ie pleure, & me deuls, considerât ma cala-  
mité, pource que la porte de l'Eglise estant ou-  
uerte aux pauures & mendiâs, & iceux pouuâts  
entrer librement pour offrir leurs oraisons, à  
moy seul il n'est pas loisible d'entrer, ny en l'E-  
glise, ny mesme qui pis est, au ciel avec les bien-  
heureux, &c. Oyés la cause pourquoy ce grand  
& religieux Empereur faisoit tant de cas de ce-  
ste excommunication. Ayant l'historien racópté  
la seueré sentéce du venerable S. Ambroise, a d-  
iousté. *Quibus verbis motus Imperator, vt qui in sacra e-*  
*ducatus doctrina sciret, quæ sacerdotū, quæque Imperatoris*  
*essent officia, cum gemitu, & lachrymis in regiam reuertitur.*  
L'Empereur esmeu de ces paroles comme sca-  
chant bien la doctrine de l'Eglise, en laquelle il  
estoit fort bien instruit, qu'elle estoit la charge

& l'office des Euesques, & quel celuy de l'Empereur, la larme à l'œil retourna tout court à s<sup>on</sup> palais. Et faut noter en passant, que ce bon Empereur pour son obeissance à Dieu & à son Eglise, a tousiours prospéré en tous ses affaires, avec vne memoire immortelle de son nom, pleine de toute benediction.

Nous auons apris par tout ce discours, quelle censure & peine, combien griesue & à craindre est l'excommunication: qu'est-ce, que pour le regard d'icelle doiuent faire, & Henry & ses cōplices, qui en sont attaints: & cōment ceux, qui ne sont excommuniez se doiuent cōporter, tant entre eux mesmes, cōme enuers ceux qui le sōt maintenant. C'est de nous vnir, & cōspirer sainctement tous ensemble contre ces excōmuniez & abandonnez de Dieu, contre les hypocrites, politiques, & atheistes, aussi contre les heretiques, & leurs fauteurs, iusques à ce qu'ils soient entierement exterminiez, puis qu'ils sont incorrigibles & obstinez en leur meschanceté, & à ceste occasion retranchez de l'Eglise, comme membres pourris, & pernicioeux au corps mystique de Iesus-Christ. En quoy nous ne deuōs point espargner ny le trauail, ny nostre propre vie, & beaucoup moins les biés & les moyés, que Dieu nous a donnez, pour les employer liberalement en vne si iuste querelle, & non pas pour les reseruer aux ennemis iurez de son Eglise: Veu que pour toute bonne volonté qu'on vous puisse donner a entēdre que Henry de Valois aye, & quand biende faiēt il l'auroit, si ne sera,

il iamaïs le plus fort, & vous sera force en fin de  
porter le ioug plus q̄ turquesque de l'hugue-  
not, duquel Henry le Biarnois est le chef prin-  
cipal, qui trop mieux cognoissant l'humeur du  
Valois, que peut estre vous ne pensez, ne s'y fie  
non plus q̄ vous, mais se fera le maistre s'il peut  
preuenant d'estre preuenü, iouant ce pendant à  
qui mieux trompera son compagnon.

Tenons donc nostre rang, ne nous desban-  
dons point, & gardons-nous bien de nous laisser  
piper, ny de prester aucunement l'oreille aux  
belles & captieuses parolles des hypocrites &  
heretiques, qui ne font conscience de tromper,  
de mentir, de se pariurer & violer à chasque  
fois tout droit diuin & humain. Il nous faut es-  
perer que leur ame estât desia occise par le gla-  
ue spirituel de l'excommunication, le corps ne  
pourra pas aussi subsister longuement, & que  
Dieu nous donnera la grace, s'il luy plaist, qu'il  
donna iadis au Conte de Montfort tref-Chre-  
stien & tref-valeureux Capitaine, cōtre le Roy  
d'Arragon, contre le Conte de Tholose & ses  
enfans, contre le Conte de Foix & de Com-  
minge, & contre les heretiques Albigeois. Car  
apres l'excommunication furent surmontez en  
guerre par l'ayde speciale de Dieu, voire mes-  
me que la pluye qui estoit contraire aux Ca-  
tholiques, cessa par les prieres du Conte de  
Montfort. Et pour laisser les autres particula-  
ritez, s'estant lediēt Conte offert à Dieu durant  
l'offrande de la Messe, avec ces parolles ou sem-  
blables : Je consacre ce iourd'hy mon corps &

Hist. Al-  
big. c. 12

mon ame à Dieu, s'en alla accôpaignie de huiet  
cens hommes à cheual seulement, tant maistres  
que seruiteurs, & bien peu, ou point de gens de  
pied, ayant receu la Benediction de l'Euesque  
de Comminge homme d'admirable sainteté,  
& s'estant tous les soldats confessez, faisant aus-  
si tout le Clergé ce temps pendant tresferuente  
oraison à Dieu : & ainsi appareillez ils descop-  
firent vn nombre incroyable d'ennemis, le Roy  
d'Arragon excommunié y demeurât sur la pla-  
ce, auec bien vingt-mille hommes, qui ou pas-  
serent par le tranchant de l'espee, ou furēt sub-  
mergez. Je prie nostre Seigneur, qu'autant en  
puisse-il prendre à Henry, & aux siens, s'ils ne se  
veulent corriger à bon escient, & recognoi-  
stre la puissance de Dieu & de son eglise.

**A** My Lecteur, puisque en lieu de preface,  
noust'auons proposé celle Epistre nota-  
ble de S. Basile le grand, nous n'auons  
sceu trouuér depuis aucune chose qui fust plus  
à propos pour la conclusions de nostre petit  
œuure, qu'une partie de l'Epistre huictiesme  
de S. Anselme, afin que comme nous auons  
commencé de confirmer nostre dire par vn pe-  
re de l'Orient, nous finissions aussi par vn de  
l'Occident.





